

- 5.55. Холбоо нь тамирчид, дасгалжуулагч, шүүгчид ёс зүй, сахилгын дүрмийг зөрчсөн эсэхийг магадлан шийдвэрлэх үүрэг бүхий 5 гишүүний бүрэлдэхүүнтэй ёс зүйн зөвлөлтэй байна.
- 5.56. Ерөнхийлөгчийн саналыг үндэслэн удирдах зөвлөлөөс Ёс зүй зөвлөлийн гишүүнийг 2 жилийн хугацаатай томилно. Ёс зүйн зөвлөл нь ажлаа Удирдах зөвлөлд тайлагнана.
- 5.57. Ёс зүйн зөвлөлийн гишүүнийг нэг удаа улираан томилж болох бөгөөд бусад зөвлөлд сонгогдож ажиллахыг хориглоно.
- 5.58. Ёс зүйн зөвлөлийн үндсэн үйл ажиллагаа нь хуралдаан байх бөгөөд шийдвэр нь тогтоол хэлбэртэй байна.
- 5.59. Холбооны ёс зүй дүрмийг удирдах зөвлөл батална.

ЗУРГАА. ХОЛБООНЫ ГИШҮҮН, ТҮҮНИЙ ЭРХ ҮҮРЭГ

- 6.1. Дараахь этгээдүүд нь Холбооны гишүүн байж болно.
 - 6.1.1. Аймаг, нийслэл, дүүргийн Холбооны салбар зөвлөл;
 - 6.1.2. Уулын спортын аль нэг төрөл, эсхүл орон нутгийн холбоод;
 - 6.1.3. Уулын спортын бөгөөд аялалын клуб;
 - 6.1.4. Холбооноос зөвшөөрсөн бусад багууд;
 - 6.1.5. Тамирчид, дасгалжуулагч болон шүүгчид.
- 6.2. Энэ дүрмийн 6.1-т заасан этгээд болон Холбооноос тогтоосон болзол, шалгуурыг хангасан дотоод, гадаадынхуулын этгээд, байгууллага, иргэний хүсэлтийг Холбооны Ерөнхий нарийн бичгийн дарга хүлээн авч Удирдах зөвлөлийн шийдвэрээр Холбооны гишүүнээр элсүүлнэ.
- 6.3. Холбооны гишүүн дараах эрх эдэлж, үүрэг хүлээнэ:
 - 6.3.1. Бүх гишүүдийн хуралд оролцож хэлэлцэж буй асуудлаар саналын эрхтэй оролцох ба саналын эрхийн тоог Удирдах зөвлөл гишүүнчлэлийн журмаар зохицуулна;
 - 6.3.2. Холбооноос зохион байгуулж буй болон холбооны эсхүл улсын нэрийн өмнөөс гадаад, дотоодын тэмцээн уралдаанд оролцох;
 - 6.3.3. Холбооноос зохион байгуулж буй арга хэмжээ, үйл ажиллагааны талаар мэдээлэл авах, өөрсдийн зохион байгуулах арга хэмжээнд холбооноос мэргэжлийн туслалцаа, хөнгөлөлт авах;
 - 6.3.4. Өөрийн эрх, ашиг сонирхолтой холбоотой асуудлаар холбооны удирдлагад саналаа гаргах;
 - 6.3.5. Гишүүний татварыг төлөх;
 - 6.3.6. Холбооны үйл ажиллагаанд идэвхтэй оролцож, шаардлагатай мэдээлэл, судалгаагаар холбооны удирдлага болон мэргэжлийн болон хяналтын зөвлөлийг хангаж ажиллах;
 - 6.3.7. Холбооны дүрэм, удирдах байгууллагаас гаргасан шийдвэрийг биелүүлэх, өөрт ногдсон үүргийг цаг хугацаанд нь гүйцэтгэх;
- 6.4. Гишүүн нь 2 жил ба түүнээс дээш хугацаанд гишүүний хураамжаа төлөөгүй бол Удирдах зөвлөлийн шийдвэрээр түүнийг холбооны гишүүнээс хасна.
- 6.5. Холбооны гишүүнээс өөрийн хүсэлтээр гарахыг хүссэн этгээд нь хүсэлтээ удирдах зөвлөлд гаргах бөгөөд Холбооны өмнө хүлээсэн аливаа үүрэг, хариуцлага байхгүй бол түүнийг удирдах зөвлөлийн шийдвэрээр хасна.